

## Ditagi tša “Mošomo wa Bokgabo” di swerwe ka ORTIA

Tshwane, 6 Janaware 2024 – Baofisiri ba Khasetomo ba Ditirelo tša Motšhelo tša Afrika Borwa (SARS) ba swere dikilokramo tše 23 tša ditagi tšeo di bego di patilwe bjale ka mošomo wa go bopiwa wa bokgabo, tša tekanyetšo ya boleng bja thekišo ya mebileng bja R37-million, ka bobolokelo bja merwalo bja Boemafofane bja Ditšhabatšhaba bja OR Tambo mo bekeng ye.

Baofisiri ba Khasetomo ba be ba dira dihlahlobo tša bona tša go sepela sepela ge ba hwetša lepokisi leo le bego le lebile New Zealand. Lepokisi le be le swere dilo tša go bopiwa tša mošomo wa bokgabo, tšeo di bego di lebelega di belaetša. Baofisiri ba dirišitše sedirišwa sa diteko tša ditagi gomme dilo tše dingwe di ile tša laetša go ba phosethifi go *crystal meth*, ya boima bja 10kg.

Go di diteko tšeo di dirilwego ke Ditirelo tša Maphodisa tša Afrika Borwa (SAPS) go dilo tše dingwe le tšona di bile phosethifi go *fentanyl* ya boima bja 13kg. Ditagi di ile tša fiwa SAPS go yo dira dinyakišišo tše dingwe.

Khomišinare wa SARS Edward Kieswetter o retile go ba komana madula a bapile ga baofisiri ba Khasetomo bao ba kgesitšego ditagi. “Balaodi ba Khasetomo ba SARS ba tla šoma ka maatla go thibela tlišogae goba kišontle ya ditagi le dikidibatši dife goba dife tšeo di sego molaong tšeo di kwešago malapa bohloko le go ba thatafaletša maphelo, kudu baswa.

“Bao ba mokolago ka ditagi ba swanetše go tseba gore Lekala la rena la Khasetomo le ikgafetše ka botlalo go tebo ye, gomme re tla tšea magato ntle le go fiega goba ntle le kgaugelo kgahlanong le bosenyi bjo bo amanago le kgwebo ya ditagi. Ba swanetše go tseba gore ba tla lebanwa ke magato a šoro a molao,” Gwa realo Khomišinare Kieswetter.

Go hwetša tshedimošo enngwe, ikgokaganye le [SarsMedia@sars.gov.za](mailto:SarsMedia@sars.gov.za)

Lebelela diswantšho mo tlase.

